

- 1^r Mag adel / güt / sterck / jugents zyer
- 2^r Han fryd vnd rûw / o todt vor dir
- 3^r Als das / das leben ye gewann
- 4^r Vnd töttlich ist das muß dar von



Nit fürsehen den dot

- 1 Wir werden btrogen lieben fründ
- 2 All die vff erden leben syndt
- 3 Das wir fürsehen nit by zyt
- 4 Den dott / der vnser doch schonit nüt

5 Wir wissen / vnd ist vnß wol kunt
 6 Das vnß gesetzt ist die stundt
 7 Vnd wissen nit wo / wenn / vnd wie /
 8 Der dott der ließ nye keynen hye
 9 Wir sterben all / vnd fliessen hyn /
 10 Dem wasser glich zû erden jn
 11 Dar vmb sint wir groß narrecht doren
 12 Das wir nit gdencken jnn vil joren
 13 Die vnß gott dar vmb leben lott
 14 Das wir vns rüsten zû dem dot
 15 Vnd leren / das wir müssen können
 16 Vnd mögen jnn keyn weg entrynnen
 17 Der wynkouff ist gedruncken schon
 18 Wir mögen nit dem kouff abston
 19 Die erste stund / die letst ouch bracht
 20 Vnd der den ersten hat gemacht
 21 Der wust ouch / wie der letst würd sterben /
 22 Aber die narrheyt dût vns ferben
 23 Das wir gedencken nit dar an
 24 Das vns der dott nit hie würt lan
 25 Vnd vnsers hübschen horsß nit schonen
 26 Noch vnser grünen krentz / vnd kronen
 27 Er heißt worlich / hans acht syn nit /
 28 Dann wellen er begryfft / vnd schütt
 29 Er sie wie starck / schon / oder jung
 30 Den lert er gar eyn seltzen sprüng
 31 Den ich billich den dotsprung heiß
 32 Das eym vß dringt kalt / grym / vnd sweiß
 33 Vnd streckt / vnd krymbt sich / wie ein wurm
 34 Dann do dût man den rechten sturm

p

19 letst GW5046 GW5047 | lest GW5041

35 O dott wie starck ist din gewalt
 36 Sydt du hyn nymbst beid jung / vnd alt /
 37 O dott wie gar hert ist din nam
 38 Dem adel / gwalt / vnd hohem stam
 39 Vor vß dem der syn freüd / vnd mü̃t
 40 Alleyn setzt / vff das zyttlich gü̃t
 41 Der dot mitt glichem füß zerschütt
 42 Der künig Sål / vnd hyrten hüt
 43 Er acht keyn pomp / gewalt / vnd gü̃t /
 44 Dem babst / er wie dem buren dü̃t
 45 Dar vmb eyn dor ist / wer all tag
 46 Flücht / dem er nit entrynnen mag
 47 Vnd meynt / wann er syn schellen schütt
 48 Das jnn der dott / dar vmb sãh nitt
 49 Vff sollich gding eyn yeder har
 50 Kunt / das er ouch von hynnan far
 51 Vnd erlobet sy dem dot
 52 Wann von dem lib die sel vß got /
 53 Mit glichem *gsatz* / der dot hyn für̃t
 54 Als das / das leben ye berürt
 55 Du stürbst / der blibt noch lenger hie
 56 Vnd bleib die leng doch keyner nye
 57 Die tusent jor erlebten schon
 58 Die mü̃sten doch zũ letst ouch gon
 59 Es ist kum / vmb eyn rock zũ thũn
 60 Das nach dem vatter leb der sũn
 61 Der vor dem vatter styrbt zũ zyt
 62 Dann man fyndt ouch vil kelber hü̃tt
 63 Je eyner fert dem ander noch
 64 Wer nit wol styrbt / der fyndt syn roch

p1^v

51 erlobet *GW5046 GW5047*] er erlobet *GW5041* 53 *gsatz*] *gfatzt GW5046 GW5047*
 63 ander *GW5046 GW5047*] andern *GW5041*

65 Des glich jr narrheyt ouch erscheynen
 66 Die vmb eyn dotten / truren / weynen /
 67 Vnd jm vergünnen syner rûw
 68 Do wir doch all begeren zû /
 69 Dann keyner fert zû frûg do hyn
 70 Do er muß / ewicklichen syn
 71 Jo gschicht gar manchem wol dar an
 72 Das gott jm rufft zytlich hyn dan
 73 Der dott ist *manchem* nütz gesyn
 74 Das er on wart / trûbsal / vnd pyn /
 75 Vil hant den tod ouch selb begert
 76 Der tod vil dancks an den bewerd
 77 Zû den er kam / ee man jm ruff /
 78 Vil gefangen er jnn fryheyt schuff
 79 Vil hat er vß dem kercker bracht
 80 Den der was ewicklich eracht /
 81 Das glück deylt vnglich gût / vnd rich
 82 Aber der dot macht es als glich
 83 Der ist eyn richter / der gantz nytt
 84 Ettwas abloßt durch yemans bytt /
 85 Der ist alleyn / der all ding lont /
 86 Der ist / der nye keym ye hat gschont
 87 Nye keym gehorsam er ye wart
 88 Sie müsten all vff syne fart
 89 Vnd dantzen jm noch synen reyen
 90 Bâbst / keyser / künig / bischöff / leyen
 91 Der mancher noch nit hat gedacht
 92 Das man den vordantz jm hatt bracht
 93 Das er muß dantzen an dem gzotter
 94 Den westerwâlder / vnd den trotter

p ij

73 manchem] manchen GW5046 89 synen GW5041 GW5046] fynem GW5047 90 bischöff
 GW5041 GW5046] bifchoff GW5047

95 Hett er sich vor dar zů gerüst
 96 Er wer nit so stümpflyng erwüst
 97 Dann manch groß narr ist yetz do hyn
 98 Der sorg hatt vff die grebniß syn
 99 Vnd leit dar an so grosses gůt
 100 Das es noch manchen wundern dūt
 101 Als Mausolum / das jrm man
 102 Arthemysia hatt gemachen lan
 103 Vnd so vil kosten dran geleyt
 104 Mit grosser gzierd / vnd rylicheyt
 105 Das es der syben wunder eyns
 106 Jst / die man fyndt jm erden kreiß /
 107 Ouch grāber jnn Egypten landt
 108 Die man Pyramides hat gnant
 109 Vor vß als Chemnis macht eyn grab
 110 Dar an er henckt syn gůt vnd hab
 111 Do dry mol hundert tusent man
 112 Vnd sechtzig tusent werckten an
 113 Dann er vmb krut gab also vil
 114 (Der ander kost ich schwigen will)
 115 Keyn fursten ich so rich yetz halt
 116 Der das alleyn mōcht han bezalt /
 117 Des glich ouch Amasis jm macht
 118 Wie Rhodope / hatt eyns volbracht
 119 Das was eyn groß dorheyt der welt
 120 Das man leit eyn so mechtig gelt
 121 An grāber / do man würffet hyen
 122 Den āsch sack / vnd die schelmen beyn
 123 Vnd gab so grossen kosten vß
 124 Das man den wūrmen macht eyn huß

125 Vnd durch der selen willen nüt
 126 Düt / die doch leben muß all zyt /
 127 Die sel hilfft nüt eyn kostlich grab
 128 Oder das man groß marmel hab
 129 Vnd vff henck schylt / helm / banner groß
 130 Hie lyt eyn herr / ist woppens gnoß
 131 Howt man jm dann jnn eynen steyn /
 132 Der recht schiltt / ist eyn dotten beyn
 133 Dar an würm / schlangen / krotten nagen /
 134 Das woppen / Keyser / buren / tragen
 135 Vnd wer hie zücht eyn feyßten wangst
 136 Der spißt / syn wåpner aller langst /
 137 Do ist eyn vächten / ryssen / brechen /
 138 Die fründ sich vmb das güt erstechen /
 139 Welcher es gantz behalten well
 140 Die tüfel / sint gewisß der sel
 141 Vnd dünt mit der wüst triumphieren
 142 Von eym bad jnn das ander füren /
 143 Von yttel kelt / jnn yttel hytz
 144 Wir menschen leben gantz on wytz /
 145 Das wir der sel / nit nâmen war
 146 Des libs wir sorgen yemer dar /
 147 All erd die ist gesâgnet gott
 148 Wol lytt der / der do wol ist dott
 149 Der hymel manchen dotten deckt
 150 Der vnder keynen steyn sich streckt
 151 Wie kund der han eyn schöner grab
 152 Dem das gestym lücht oben ab /
 153 Gott fyndt die beyn zû syner zytt
 154 Wer wol styrbt / des grab ist *das* hõhst /
 155 Der sündler dot / der ist der bõsst

p3r

p iij

154 das] des GW5041 GW5046 GW5047